

LXXXIII. *Neuwiedia* Bl.

207. *Neuwiedia Zollingeri*: racemo cylindraceo capitato, bracteis scariosis apice uncinatis, ovariis turbinatis ruguloso asperulis nec velutinis, sepalis tepalisque apiculatis, labello ovali aristato. Nr. 2808. (Sine loco.)

(*N. veratifolia* Bl.! racemo elongato sparsifloro, bracteis herbaceis acutis, ovariis fusiformibus velutinis, labello ligulato per axin linea carnosa carinato).

Obs. In herbario Lindleyano adest plantae quae omnino *N. Zollingeri* bene evoluta. Inflorescentia prope *Coeliae macrostachyae* seu *Calanthidis* cujusdam. Ovarium abrupte turbinatum; apice recurrens in rostrum. Sepala linearia, elongata (ovario incluso collo longiora) apicibus apiculata, apiculis in carinulas exeuntibus. Tepala subbreviora. Labellum prope ejusdem rationis, convexum, pagina inferiori carinatum. — Sepala oblique inserta. Stylus apice retusus; filamenta lateralia extus decurrentia. Antherae lineares apice obtuse acutae basi cordatae; versatiles. Borneo. Lowe.